

Den Fælles Ferierejsefondip qinnuteqarnermut tunngatilugu suleriesissaa

§ 1.

Qinnuteqarnermi taperneqarsinnaasut.

”Den Fælles Ferierejsefond-imit” taperneqarnissamut piginnaatitaasut tassaapput, atorfeqarnerminnut tunngatillugu atorfininnermut allakkami imaluunniit isumaqatigiissummi sulisitsisumut sulinngiffeqarnermi aningaasaateqarfimmut akiliunneqartartut.

Akiliutigineqartartut aningaasaateqarfiup aningaasaatigai atorfeqartinneqartullu aningaasarsiaannut ilaatinneqanngillat.

§ 2.

Taperneqarnissamut periarfissat.

Atorfilik sulinngiffeqarnissamut atugassaminik taperneqarsinnaavoq, soorluttaaq nuliaasoq taamatulluunniit inooqat kiisalu meeqqat 18-t inorlugit ukiullit ilanngullugit qinnuteqartup taperneqarneratut taperneqarsinnaasut, tjenestemandit akiliunneqarluni sulinngiffeqarnerinut piginnaatitaaffeqartut malittarisassa atuuat malillugit.

Ukiut 2-t atorfeqareernerup kingorna sulinngiffeqarnermi atorfininnerup aallartinneraniit akiliunneqarluni angalanissamik katersereernerup kingorna tapiisoqarsinnaavoq. Atorfillit sulinngiffeqarnissaat aalajangersimasumik inissitat aasami suliffeqarfiup sulinngiffiunerata nalaani sulinngiffeqarnissamut taperneqarnissamik akiliussisoqarsinnaavoq, taamatullu taperneqassagaanni atorfeqareersimanerup ukiut marlunut qaninnerpaaffia aalajangiisuussaaq.

Ukioq ataaseq allortarlugu angalanissamuinnaq angalasussanut kisimi tapiissoqarsinnaavoq, angalanissarlu aningaasaateqarfiup aningaasatai atorlugit immikkut angalanissamut tapeeqqittoqarsinnaanngilaq.

Tapiissutit annertussusaa atorfeqarfimmiit Københavns Lufthavn uterlugulu akiata anner-tussussaata nalinganut tapiissoqarsinnaavoq økonomi/flexibelklasse atorlugu. Angalaneq akikinnerussagaluarpat, akikinnerup akia kisimi tapiissutigineqarneqarsinnaavoq. Angalatitsiviit akikillisaanerat atorlugu angalasoqassappat imaluunniit angalanermut ingerlatsivinnit akikillisaassutit ajornanngippat periarfissatut atortariaqarput.

Aningaasaateqarfiup siulersuisuisa aalajangersartussaavaat siumut aningaasartuutit mis-singiunneqarnerannut atatillugu, tapiissutit annertunerpaaffissaa aalajangersarlugu imaluunniit procentinngorlugu annikinnerusumik aalajangersarlugu.

Ilaqutariit bilitsiinut tapiissoqartussaavoq aammalu Kalaallit Nunaata iluani, kiisalu tunumi atorfeqartinneqartunut Islandimi angalanermut aqqutinut tunngatillugu unnuisariaqalerner-mi tapiissoqarsinnaavoq. Akiliunneqarluni sulinngiffeqarnermi

tunngaviusumik ullut angallavissat inniminnerneqassapput, suliffeqarfimmiit sulinngiffeqarfissamut toqqaannartumik aqquutissat periarfissaagaan-ngata.

Sulinngiffeqarluni angalanermi aningaasartuutit allat aningaasaateqarfimmit akilerneqartussaannngillat.

Angalanissamut akuerineqartut namminneq akilikkaminnik akisunerusumik angalarusukkunik tamanna ajornaquteqanngilaq, allamilli kiffartuunneqarneq soorlu biilimik atartorneq, tikiffissamik toqqaaneq, unnuinnermut aningaasartuutit, tapiissutigineqartup qaffasinnerpaaffissaa sipporlugu aningaasartuuteqartoqassappat. Aningaasartuutit taamaattut atorfillip nammineq angalatitsivimmut ingerlatsisussamulluunniit ingerlaannaq akilertassavai.

Siulersuisut isumaqatigiissuteqarfigisinnaavaat angalatitsiviit aalajangersimasut atorneqarneri soorlu immikkut ittumik attaveqarfigineqarsinnaasut. Isumaqatigiissutit taamaattut aatsaat atortunngortinneqarsinnaapput qinnuteqartumit qinnuteqareernerup kingorna isumaqatigiissutillu atuutsilerfiinit.

Sulinngiffeqarnermut tapissut atorfeqarnerup nalaani kisimi atorneqarsinnaavoq, angalanissarlu aallartereersimaneqartussaalluni, qinnuteqartut meeraat 18-nik ukioqalersimatinnagit.

Suliffimmiit suliffimmut atatillugu toqqaannartumik atorfinitsinneqarnermi, sulisitsisup qaammammut akiliutigisartakkamik ingerlatitsiinnartoq Den Fælles Ferierejsefondimut, aningaasaateqarfimmit tapiissuteqarnissamut sulinngiffeqarnissamut tunngatillugu katersanik nuussisinnaaneq periarfissaqarpoq.

Aningaasaateqarfiup ajornartinngilaa, sulinngiffeqarnissamut katersat ukiup ataatsip iluani tigummiinnarneqarsinnaasut atorfimmit soraareersimagaluaruilluunniit, toqqaannartumik atorfimmut allamut nuunnissamut tunngatillugu atorfigisimasa-miit atorfiniffissamut nutaamut pissutissat, atorfilimmit tunngavigitissallugit naatsorsuutigineqarsinnaanngitsut.

Sulinngiffeqarnissamut akuersissut atorneqanngitsuussagaluarpat, atorfilik ukioq ataseq allortarlugu taamaallaat angalanissaminik piginnaatitaaffeqarpoq.

Ukioq akiliunneqarluni angalaffissami atorfeqarunaarnermut atatillugu sulisitsisumit akiliunneqarluni angerlamut angalaniaraanni arlaat qinerneqartariaqapoq angalanissat takku ukiup ataatsip iluani tamarmik pineqarsinnaanngimmata.

Sulisitsisoq aningaasaateqarfimmut akiliisimanngippat sulisitsisup akiliutissaanik, kisianni akiliutip amigaatigineqarnera Den Fælles Ferierejsefondip isumaqatigiissutaanik unioqqutitsisimanertut taallugu suliarineqassaaq, qinnuteqartorlu, itigartinneqarsimasoq, sulisitsisup akiliutissaminik akiliuteqarsimannginnera aningaasaateqarfimmut, periuseq tapiissutit aggortinneqarsinnaannginnerat aningaasanngortinneqarsinnaannginneralluunniit assigisaanilluunniit pisoqarsimappat – inuk qinnuteqartoq annaasami matussuserneqarnissaannut qinnuteqarsinnaavoq sulisitsisup matussusertussaasaanut taarsissusaanermut nalinginnaat malitassat malillugit.

§ 3.

Sulinngiffeqarnerup ingerlanneqarnissaannut qinnuteqarnerit taperneqarnerillu

Qinnuteqarfissatut immersugassaq siulersuisunit akuerineqarsimasoq immersugassamik tiguisussatut nalunaarsukkamut nassiunneqassaaq.

Qinnuteqarfissatut immersugaq paasissutissanik qanoq naammagittaalliortoqarsinnaaneranik oqariartuutinik imaqartoq siulersuisunut aningaasaateqarfik sinnerlugu aalajangikkamut imaluunniit aningaasaateqarfik sinnerlugu aalajangikkanik imaqartussaavoq.

Qinnuteqaat qinnuteqarfissaq qaammatinik 3-nik angalaffissaq sioqqullugu qinnuteqarfissamut nassiunneqassaaq. Siulersuisut imaluunniit aningaasaateqarfimmi administratorip qinnuteqarfissamut piffissarititaq qaangiutereeraluartoq immikkut akuerisinnaavaa, qinnuteqartup sulinnngiffeqarnissani qinnuteqarfissap killilerneqarneranut piffissarititaasup naannginnerani pilersaarusiornissaminut periarfissaqarsimangippat.

Qinnuteqarnissamut immersugassaq kattuffinni ataasiakkaani pissarsiarineqarsinnaavoq imaluunniit taakku nittartagaanni aaneqarsinnaalluni.

Tapiissut rekvisitioni atorlugu tapiissutigineqassooq angalatitsivinnut ingerlatsivinnuluunniit tunniunneqartartoq.

Rekvisitioni aningaasanut assigisaanulluunniit aggortinneqassanngilaq soorluttaaq allatut akiliutitut atorneqarsinnaanngitsoq, soorluttaaq akiligassaqarfinnut matussutitut atorneqarsinnaassanngitsoq allatulluunniit akiitsoqarfinnut sumulluunniit atorneqarsinnaanngitsoq.

Rekvisitioni imaluunniit aningaasaateqarfiup piginneqataasutai bilitsinut aningaasaateqarfimmut utertinneqartussaapput, sulinnngiffeqarnermut akuerineqarsimaneq atorneqanngitsuussagaluarpat. Ilaasortat ilaquutaasa ilaasa angalanissartik atunngitsuussagaluarpassuk ilaqutariinnut bilitsi, aningaasaateqarfiup pissarsiassaata nalinga bilitsinut atorneqanngitsoortunit pisoq utertinneqassaaq. Tamatigut malitassaq tassaavoq, aningaasaateqarfiup tapitut tunniussaa sulinnngiffeqarnermut atugassaq aningaasanngortinneqarsinnaanera pisinnaanngimmat.

Aningaasaateqarfimmiit tapiissoqarsinnaanngilaq, nularisaq taamatulluunniit inooqatip sulisitsisukkoorlugu ilaquuttat ilagalugit sulinnngiffeqarnissamut tapiissummik taperneqarnissamut periarfissaqarpat. Suliffeqarfiit pisortanit namminersorlutilluunniit ingerlatamit akiliunneqarnissamut taperneqartarneq pisarnersoq apeqqutaatinneqanngilaq.

Tapiissut tunniunneqareersimasoq qinnuteqartumut ilanngaatigitinneqarsinnaavoq, aapparisaq taamatulluunniit inooqat atorfimminut atatillugu akiliunneqarluni sulinnngiffeqarnissamut piginnaatitaaffeqarpat.

Atorfilik Den Fælles Ferierejsefond-imut ilaasortaasoq, atorfillillu katissimasaa taamatulluunniit inooqataa aningaasaateqarfimmut allamut ilaasortaappat, ukioq ataaseq allor-

tarlugu akiliunneqarluni angalasinnaatitaaneq ataasiinnaq pisinnaavaat Den Fælles Ferierejsefondimiit. Den Fælles Ferierejsefond aningaasaateqarfinnut assingusunut isumaqatigiissuteqarsinnaavoq tamakku qulakkeernissaat pissappata.

Aningaasaateqarfiup tapiissutitut tunniunneqarsimasut utertissallugit pisinnaatinneqarpoq, qinnuteqartoq piaaraluni taperneqarnissaminut qinnuteqarnerminut atatillugu pasissutissanik kukkusunik tunniussisimappat.

§ 4.

Siulersuisut suliaat aningaasaateqarfiullu aningaasaqarnera.

Den Fælles Ferierejsefondimi siulersuisut tassaapput kattuffiit aningaasaateqarfimmut attuumassutillit siulittaasui.

Siulersuisut allaffissornikkut ingerlatat allaffissornikkut isumaqatigiissuteqarnikkut namminersortunut ingerlatassatut isumagitissinnaavaat imaluunniit kattuffinnut ataasiakkaannut attuumassuteqartunut aningaasaateqarfiup ingerlanneqarnera suliassanngortissinnaavaat.

Allaffissornikkut isumaqatigiissuteqarluni ingerlatat taamaattut, allaganngorlugit saqqummiunneqassapput, mikinerpaamillu aalajangersakkamik allaffissornikkut ingerlatsinerup qanoq akeqarnissaanik imaqassallutik, allaffissornikkut ingerlatsinermut atatillugu naammagittaalliuutinut tunngasoq allaffissornikkut isumaqatigiissuteqarfiup kukkullugit aalajangigai allaffissornikkut isumaqatigiissuteqarfimmut attuumassuteqartusattut atuuttussat, aningaasaateqarfimmi siulersuisunit aalajangiiffigineqarsinnaapput aammalu allaffissornikkut isumaqatigiissuteqarfik ingerlatsivimmi akisussaannermut silimmamik peqarnissaq piunasaqaataavoq, kukkunerit aningaasaateqarfiup ingerlanneqarneranut sulianut tunngatillugu matussutissanut atortussanut.

Siulersuisut aningaasaateqarfiup akisussaannerpaattut inissisimasorai aningaasaateqarfiullu ingerlanneqarneranut akisussaannerpaattut inissisimaffigalugu. Isumaqatigiissutiginggisat arlaatigulluunniit maalaarutit siulersuisut aalajangiiffigisussaavai.

Siulersuisunit aalajangiinerit nalinginnarmik amerlanerussusiineq malillugu aalajangerneqartassapput.

Aningaasaateqarfiup missingersuutaasa naatsorsuutaasalu ukiuat 1.oktober-imiit 30.septemberimut ingerlasassaaq.

Augustip qaammataata naanginnerani siulersuisut ukiup missingersuusiorfiusup tulliani aningaasatigut missingersuut aalajangiiffigisassavaat.

Tapiissutigineqartartup angissusilerneqarnerata aalajangersarneqarneranut tunngatillugu, § 2-p malinneqarnissaa anguniarneqassaaq, tassa ukiumi naatsorsuiffimmi isertitat aningaasartuutillu oqimaaqatigiinnissaat aningaasaateqarfiup ingerlanneqarneranut tapiissutitullu tunniunneqartartut oqimaaqatigiissillugit.

Ukiup naatsorsuiffiup iluani aningaasaateqarfiup aningaasartuutai isertitanit amerlane-rulerpata, amigartoorut aningaasaateqarfiup pigisaasa nalillit naliinnit matussuserne-qassapput. Ingerlatsinermut amigartoorutip matussuserneqarnissaa aningaasanik attar-tornissamut periarfissaq aningaasaateqarfiup siulersuisuisa isumaqatigiissutigalugu pil-ersissinnaavaat.

Den Fælles Feriefondip malittarisassai 26. januar 2000-meersut siulersuisut suleriesis-samut tunngatillugu taakku aallaavigaat soorlutaaq qinnuteqartarnissamut malitta-risassatut aamma taakku tunngavigalugit tunngavilerneqartut, aningaasaateqarfimmi siulersuisunit pilersinneqartut.

Den Fælles Ferierejsefondimi malittarisassat Namminersornerullutik Oqartussanit 29. januar 2000 akuersissutigineqarput.

Nuuk, ulloq

Dina Olsen
Siulers.ilaas. (AK)

Olga Berthelsen
Siulers.ilaas. (PK/PPK)

Sebastian Hansen
Siuler.ilaas. (AS-G)